

مرند اۆيکو

Mərənd öykü



بیردن - بیرە

یازار: عمران صلاحی

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

بیردن- بیره عمران صلاحی

بیر باهار گونو، بیر چیچکلی آغاجین آلتیندا، لاله پارکیندا، بیر کیشی کی الینی کوتونون سول قولتوغونون جیبینه قویموشدور، نیمکتین اوستونده، بیر کیشی ایله کی نظره گلیردی تازا بازنیشتیسه اولوب دانیشیردی:

-دور بویورورسوز، اقتصادی سیخینتی لار همیشه باعث اولوب آدام بعضی شئی لری زندگانلیقدا حذف ائله سین. آدام ائله یه بیلمز ات، چورک و یاغ آلمایا، آما ائله یه بیلر مثلن کیتابی اؤز برنامه سیندن حذف ائله یه. آدام خۇره ک یئمه سه اؤلر، آما اگر کیتاب اوخوماسا، اونا هئچ بیر شئی اولماز، تازا مومکون دور ترقی ده ائله یه، خلاصه لازیم اولمایان شئی لری حذفی آداما ضرر وورماز.

منیم بئش قیزیم وار. دورد اوغلان هاواسینا دونیایا گلیبلر. بئشایل بوندان قاباق، اول کی قیزی می گره گ اره وئره دیدیم. آما جهیز آلماغا پولوم یوخ ایدی. نه پس اندازیم واریدی، نه ساتماق اوچون بیر درده دیه ن شئی. وام آلماغادا امکانیم یوخ ایدی. بیر گون بو پارکدا اوتورموشدوم روزنامه اوخویوردوم. گۆردوم بیر مناقصه آگهی سینده یازیبلار: «بؤیره ک آلیریق.» اؤزومله فیکیرلشدیم کی، دنیا دا چوخ لاری بیر بؤیره کله زندگانلیق ائدیبلر. نییه بو آلا ه وئرگی سی سرمایه دن استفاده ائله مه ییم.

بؤیره ک لری من بیرینی ساتدیم، اول کی قیزی می ار ائوینه گؤندردیم. بیر ایل دن سونرا ایکینجی قیزیم ارلیک اولموشدور. یئنه هامان پولسوزلوق ایدی و هامان چتین لیک لر. منیم آبیریم واریدی، ائله یه بیلمز ایدیم ایکینجی قیزی می جهیز سیز ار ائوینه گؤندهرم. یئنه بیر گون بو نیمکتین اوستونده اوتوردوم و بدنن آیری یئرلرینه فیکیرلشدیم. البته او یئرلره کی جوت ایدی. مثلن گؤزلریمه. اؤزومله دئدیم ایکی گؤزو نئیه ییرم. مگر گؤرمه لی شئی ده وار؟ نییه بو قات- قاریشیق دونیانی ایکی برابر گؤروم و ایکی برابر عذاب چکیم. هر نه روزنامه لرین آگهی سینه باخدیم، گؤردوم گؤز آلان یوخ دور. اؤزوم بیر آگهی وئردیم، روزنامه لرین بیرینده چاپ ائله دیلر. بیر گون دن سونرا مشتری تاپیلدی، ایکینجی قیزیم دا اره گئتدی. ایندی گؤزلریمین بیر شوشه دن دیر. بیر ایل دن سونرا اوچونجو قیزیمین نووبتی ایدی. هامی قاپیلار اوزومه باغلی ایدی. بیل میردیم نئیه ییم. آر قالیردی باغیریم چارتلایا. قولاق لاریما فیکیرلشدیم. دئدیم اونلارین بیرین ساتارام، آما کیم قولاق آلا جاق ایدی؟ چوخ مایوس پارکدا اوتورموشدوم، روزنامه نی ورق له ییردیم، گؤردوم

آگهی صحیفه سینده یازیبلار: «بدنین هر یئرن آلیریق» ائله بیل دونیانی منه وئرمیشدیله. تلفون ووردوم سوروشوردم قولاق دا آلیرسیز؟

دئدیله: بیر نفر اونلارین موسسه سینه مراجعه ائله ییب، دئییر کی، قولاق لارینین بیرین بیر داوادا الدن وئریب، ایندی ائله یه بیلیمیر قولاق سیز کیتاب اوخویا. سوروشدوم قولاقین نه ربطی وار کیتاب اوخوماغا؟ دئدیله: مشتری قولاقی بوندان اؤتورو ایسته ییر کی عینکی نین دسته سین قویا اونون اوستونه. تئز معامله باشا چاتدی. اوچونجو قیزیم دا ار ائوینه گئتدی. ایندی توکلریمی اوزاتمیشام، تۆکموشم باشیمین اویان- بویانینا، بیلیمیر بیر قولاقیم یوخدور.

بیر ایلدن سونرا دؤردونجو قیزیمین نؤوبتی ایدی. اومیدیمی لاپ الدن وئرمیشدیم. آما دوز هامان وقت هامان موسسه دن من له تماس توتدولار کی، فوری بیر سول اله احتیاج لاری وار. سئوینچک اولدوم. داهی سوروشمادیم نه اوچون ایسته ییرلر. تئز گئتدیم بیمارستانا، سول الیمی وئردیم، اونون پولو ایله دؤردونجو قیزی دا اره وئردیم. یاخچی ال ایدی. بیر بارماقی سینمیشدی، آما یاخچی ایشله ییردی. او تاریخدن بویانا اوزویومو ساغ الیمین بارماغینا تاختمیشام و ایندی مشتری منیم الیم له نه ایشلر گؤرور- آلا له بیلیر.

بیر ایلدن سونرا گره ک آخیر قیزیمی اره وئره دیدیم. یئنه هامان پولسوزلوق ایدی و هامان گرفتارچیلیق. گلدیم بوردا بو گؤلون قیراغیندا اوتوردوم و بدنیمین آیری یئرلرینه فیکیرلشدیم. آباغی ساتماق اولماز ایدی. ماشین آیناسیز و قاپی سیز یولا گنده بیلر، آما تکرسیز یوخ. بورنومودا اولمازدی ساتام، اوندان قیافه می الدن وئره دیدیم. دیلیمی ده آلمیردیله، دئییردیله چوخ ایتی دیر. بیر دیله احتیاج لاری وار ایدی کی، یالاندان تعریف ائله سین. بیلیمیرسیز نه مکافات ایله آخیر قیزیمی اره وئردیم. او گئتدی ائو- انشیگی نین باشینا. آما ایندی من اؤزوم ائودن آوارا اولموشام. آروادیم منی ائوه یول وئرمیر و دئییر من داهی نه اومیدله سن ایله یاشاییم!!